

6 September 2012

Jaargang 5 – Uitgawe 31

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Kerkwees in die huidige ekonomiese milieu

So het die tyd aangestap en is die 70ste Algemene Kerkvergadering op die horison. Die beplanning daarvoor het begin, en dit het ook tyd geword vir 'n bestekopname van die vordering met die besluite van die 69ste AKV.

Een saak wat sedert die vorige AKV meer en meer aktueel bewys word, is die uitdaging van *kerkwees in die huidige ekonomiese milieu*. Dit is op die spits gedryf met die aanbreek van die 2012/2013 finansiële jaar. Weens verskeie faktore moes die oorspronklike sinodale begroting (Oktober 2011 gefinaliseer) hersien en afwaarts aangepas word. Daarmee saam is gemeentes versoek om 'n bykomende R10 per lidmaat (eenmalig) aan sinodale offergawe by te dra. Na net twee maande is reeds R235,923 van die begrote R971,920 ontvang – 24.3%. Dit is bewerk deur 70 van die 299 gemeentes, waarvan sommige Ringskommissies al die gemeentes in hul ring se bydrae vereffen het. Berig is ontvang van gemeentes wat hul bydrae in spesiale bydraes of deurkollekte in een of twee eredienste bymekaar kon maak. Meer as die randwaarde van die bydraes, was dit veral die gevoel van solidariteit wat in elke bydrae gelees word... **saam ondersteun ons die gesentraliseerde deel van kerkwees tot daar weer 'n geleentheid is om oor die inhoud daarvan te besin.**

Tydens die 69ste AKV is die volgende opgemerk: *Indien daar konsensus is oor die feit dat veroudering en verkleining gegewe is en dat kerkwees, soos dit tans daaruitsien, die beste manier is om kerk te wees en dit gegewe is dat gemeentes (en lidmate) finansiëel verskillend daaraan toe is, volg dit dat die oplossing nie gevind gaan word in die herverdeling van gesentraliseerde koste nie. Die antwoord lê buite die sfeer van kwantum, en nader aan die gebied van samehorigheid, mededeelsaamheid en vertroue in mekaar se bona fides...*

Dit beteken in die eerste plek dat konsensus verkry moet word oor wat kerkwees beteken. Anders gestel, is alles wat tans sinodaal of gemeentelik onderneem word noodsaaklik vir kerkwees? Daar sal ook in gedagte gehou moet word dat *finansiële vermoë* relatief is en van lidmaat tot lidmaat (en derhalwe van gemeente tot gemeente) verskil. Daarmee saam 'n besef van die verantwoordelikheid wat finansiële vermoë of gewas meebring.

Die AKV het dit aan die Algemene Kommissie opgedra om *kerkwees in die toekoms* te ondersoek. Die werkgroep wat hiermee getaak is, het besef dat hierdie opdrag nie 'n eensydige proses kan wees nie en sal verg dat die 70ste AKV ten minste deels ingerig sal moet word om gefokus hieraan aandag te gee. Intussen word spitwerk gedoen en kan ons uitsien na 'n deelnemende proses waarby die hele Kerk betrek word.

Die AKV het ook besluit dat die Raad van Finansies oorweging gee aan die fasilitering van 'n databasis om vermoënde gemeentes en ringe in kontak met minder gegoede gemeentes en ringe te bring. Dit is 'n voorbeeld van sentralisering (subsidie) wat *gedesentraliseer* kan word. So sal elke gesentraliseerde aktiwiteit vir voortsetting of opheffing ondersoek moet word sodat die koste van gemeentewees in die huidige ekonomiese klimaat finansiëel volhoubaar bestuur word. Gemeentes sal dieselfde moet doen; koste van gemeentewees is nie tot sinodaal gesentraliseerde aktiwiteite beperk nie!

Intussen is die appèl op elke lidmaat, gemeente en kommissie of raad om onvermoeid steeds **geloof en hoop** in die Kerk se roeping op aarde te lééf. Wanneer kerkwees in hierdie lig beskou word, sal die Kerk bly groei; dalk in 'n ander formaat, maar steeds tot eer van die Eienaar. Dan kan *enige* uitdaging lei tot 'n meer gehoorsame kerk wat aan haar roeping voldoen, en nie gesien word as 'n bedreiging vir voortbestaan nie.

Kom, laat ons die tyd tot die 70ste AKV optimaal gebruik om nuut te dink oor *kerkwees in die huidige* (of enige) *ekonomiese milieu!*

Elmar Struwig, Administrateur

Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Ds Hennie Nel** van Potgietersrus na Hartebeeshoek
- **Prop Annalize Rossouw** na die Kuruman-kombinasie
- **Ds Arno Nieuwhof** van Witbank/Witbank-Noord na die Stella-kombinasie

Beroep aanvaar

- **Ds Arno Nieuwhof** van Witbank/Witbank-Noord na die Stella-kombinasie

Vakante standplase

- **Gemeente Duncanville** in Vereniging beskik oor 'n **vakante voltydse standplaas**, en het die proses begin om 'n beroep uit te bring. Enige belangstellende predikant of proponent kan 'n CV **voor of op 30 September 2012** stuur aan die sekretariële beampte, mev Jeanné Venter, by info@continentalgardens.co.za. Die kerkraad is nie verplig om uit die groep aansoekers 'n beroep uit te bring nie.
- **Gemeente Randfontein Midpark** beskik oor 'n **vakante voltydse standplaas**, en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van 45 jaar. Predikante met bedieningservaring van tussen 3 en 8 jaar word genooi om met die gemeente in verbinding te tree (traktement volgens die skaal 3 tot 8 jaar). Die gemeente behou die reg om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie. Belangstellendes kan met die skriba, mev Hester Esterhuizen, by 011 692 3236 skakel, of met ds Wilhelm Steyn by 012 348 2932.



Ds Hennie Nel

Prop Annalize
Rossouw



Ds Arno Nieuwhof

PREDIKANTE EN GEMEENTES

Stuur asseblief berigte oor lief en leed aan produksie@nhk.co.za.

- **Ds Mari du Plessis-Manders** van Gemeente Suidoos-Witbank **se moeder** is Vrydag 31 Augustus oorlede. Ons innige meegevoel gaan aan Mari en haar familie. Navrae kan gerig word aan ds Naas Lombard by imlombard@nhk.co.za of 013 697 1063. Die roudiens sal op Vrydag 7 September om 11:00 in Gemeente Springs plaasvind, en sal gelei word deur ds Lombard.
- **Ds Janine Bevolo-Manders** van Gemeente Witfontein **se vader** is Maandag 3 September oorlede. Hy was 86 jaar oud. Die roudiens het op Woensdag 5 September plaasgevind. Ons innige meelewing gaan aan Janine en haar familie.
- **Ds Kiewiet van Deventer** van Gemeente Malelane tree op Saterdag 8 September in die huwelik met Collett Bester. By voorbaat baie geluk aan die paartjie!
- Ons het pas verneem dat **ds Arno en Sarie Nieuwhof** van gemeentes Witbank en Witbank-Noord vroeg in die nuwe jaar 'n baba ryker gaan word. Baie geluk!
- **Ds Carel-Johann en Janeke de Bruin** se kontakbesonderhede het verander. Hul nuwe telefoon- en faksnommer is 012 335 5913, en hul nuwe posadres is Posbus 30532, Wonderboompoort 0033.

Bydraes vir moontlike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na produksie@nhk.co.za gestuur word.



- Die Kommissie van die AKV het met hartseer en teleurstelling kennis geneem van die ontdekking van ammunisie onder die preekstoel van **Gemeente Schweizer-Reneke**. Die polisie se ondersoek gaan voort, en die Kommissie wag die uitslag daarvan af. Die Ringskommissie van Maquassi en die Kommissie van die AKV hanteer die saak op kerklike wyse. Die Hervormde Kerk distansieer hom van enige onwettige optrede of enige subversiewe optrede wat die grondwetlike orde in Suid-Afrika bedreig. Ons verkondig die evangelie van Jesus Christus, die hoop vir die wêreld.
- **Borg kilometers en help ons bejaardes.** Mev Magda van Deventer (redakteur van die Algemene Diakensvergadering se bylaag in *Konteks*) en 'n stapmaat, Avrienne Maritz, stap in September 200 km van 'n pelgrimsroete, die Camino de Santiago in Spanje. Deur middel van borgskappe per kilometer gaan hulle geld insamel vir die **Aksiegroep vir Bejaardes (AGB) van die ADV**. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by diens@diakens.co.za en laat u borgskap aanteken. Meer inligting is beskikbaar op die diakens se webwerf by www.diakens.co.za.



- **AKSIEGROEP VIR BEJAARDES: 'n Wenk vir bejaardesorg**
Nooddienste kla dat bejaardes in noodgevalle dikwels nie kan onthou watter medisyne hulle gebruik nie. Help dus die bejaardes in jou omgewing om 'n lysie van hul medisyne te maak wat hulle in hul beursies kan hou. Daar is 'n voorbeeld en *template* vir so 'n kaartjie op die diakens se webblad by www.diakens.co.za. Gaan na Wat doen ons alles? → Bejaardesorg → Aksiegroep vir Bejaardes → Noodinligtingskaartjies.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies, ABSA, tjekrekening nommer 020-000-287, takkode 632-005; verwysing SENTIK-EM.
- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkDullstroom@yahoo.com).
- **MRCC: 12de Algemene Kerkvergadering (Sinode)**
Maandag 1 tot Donderdag 4 Oktober 2012
Skogheim-konferensiesentrum, Port Shepstone, KZN
Amptelike opening Dinsdag 2 Oktober, gelei deur ds Jan Mamabolo

Spesiale eredienste en feesnaweke

- **Optredes van leerders van Prinshofskool en Transoranje-skool se gebaretaalkoor**
Sondag 9 September om 09:00: Gemeente Benoryn
Navrae aan ds Marlize Gasson – 011 849 3266
Sondag 16 September om 18:00: Gemeente Wonderboompoort
Magtige Dreuning
Navrae aan ds Carel-Johann de Bruin by 012 335 0040
Sondag 28 Oktober om 08:00: Gemeente Midrand
Navrae aan ds Paula Eksteen-Erasmus by 011 702 3046



- **Gemeente Bosmansrust: Sondag 23 September om 11:00**
Dankfees en Nagmaal
Viering van 125ste bestaansjaar van gemeente
100-jaar-viering van kerkgebou
Alle oudpredikante, vorige lidmate en ander belangstellendes welkom
Kontak Piet Marx by 082 708 6761 of pamarx@lantic.net
- **Gemeente Swartkop: Sondag 28 Oktober: Nagmaaldiens**
Herdenking van 40-jarige bestaan
Gelei deur ds David Barnard, lank predikant in die gemeente
Oudpredikante sal die tafels bedien
Navrae aan Hannelie Beytell by 012 654 3471 of nhswkop@telkomsa.net
- **Gemeente Dullstroom: 2-4 November**
Viering van 125ste bestaansjaar
(Gestig 2 November 1887)
Oudlidmate, oudpredikante en konsulente kan
foto's/ervarings/gelukwensings stuur
Almal welkom om saam te kom feesvier
Navrae aan Johanna Pieterse by 072 116 3353
- **Gemeente Glencoe: Vrydag 7 Desember: Tyd later bekend**
Buitediens op walle van die Wasbankrivier, distrik Glencoe,
waar die Gelofte die eerste keer afgelê is
Kliplegging na die diens
Bring 'n klip van jou omgewing saam met die naam van jou gemeente
Kontak ds Pieter Bester by 082 899 6564 / 034 212 1815
pieterbester@telkomsa.net

Predikanteverjaardae

- **Die volgende predikante verjaar tot 14 September, en word hartlik geluk gewens.**
 - Donderdag 6 September: Ds Paul Buitendag (Volksrust)
 - Vrydag 7 September: Ds Kobus Müller (emeritus)
 - Saterdag 8 September: Ds Manda le Roux (Rietspruit)
 - Sondag 9 September: Ds Louis Venter (Rustenburg-Tuine)
 - Dinsdag 11 September: Ds Dries Beukes (Swartkop)
 - Woensdag 12 September: Ds Mariaan Schutte (buiteland)
 - Donderdag 13 September: Dr Johann Beukes (Weltevreden)
 - Vrydag 14 September: Dr Hennie Botes (Naboomspruit)

Beplande vergaderings

- Donderdag 6 September: Kommissie van die AKV
- Vrydag 7 September: Kommissie van die AKV
- Maandag 10 September: Komitee vir die SP Engelbrecht-museum
- Vrydag 14 September: Finkom van die ADV

Kursusse en toerusting

- **Predikantevergadering 2012: Woensdag 12 September**
Tema: *In die voetspore van Christus – spiritualiteit in die Kerk*
Plek: Gemeente Swartkop
Adres: Irelandlaanverlenging, Eldoraigine
Tyd: Registrasie 08:00, opening 09:00, tot ongeveer 13:30
Enkele mededelings vanaf die Kommissie van die AKV om 13:30
Verskonings aan ds Marius Bacon by baconm@telkomsa.net of 083 297 6135

- **Instituut vir Kerkmusiek in Suid-Afrika (IKSA)**
Diploma in Himnologie 2012-2013
Let op veranderde datum vir eerste byeenkoms: 15 September 2012
 Kursusfooi R800 per persoon per jaar
 Skakel met dr Elsabé Kloppers by iksa@absamail.co.za of 012 429 6589 (k)



"Sagte-oë-ouerskap"
 met aanbieders
Ewald en Beatrix van Rensburg
 Bemagtig jouself om jou kind(ers)
 emosioneel gesond groot te maak!
Koste R200 per persoon
 (alle etes, verversings, seminaarmateriaal ingesluit)
 Kontak Esmé by 083 228 0075 of 012 567 1753

14 - 16 September 2012

'n Seminaar vir alle ouers
 - voornemende ouers
 - enkelouers
 - ouers in hersaamgestelde gesinne

NEDERDUITSCH HERVORMDE KERK
Montana
 hv Jan Bantjes- en
 Azanzastraat, Montana,
 Pretoria

- **Gemeente Glencoe: Toerustingkursus: Saterdag 20 Oktober**
Op reis – 'n dienswerkreistas
 Deur ds Hannes Janse van Rensburg van Zuurfontein
 Registrasie 08:00, kursus begin om 09:00
 Koste R60
 Kontak ds Pieter Bester by 082 899 6564 / 034 212 1815
pieterbester@telkomsa.net
- **Gemeente Pretoria: Woensdag 31 Oktober vanaf 09:00**
39ste Kongres van die Kerkhistoriese Genootskap
 Tema: *Die Godsbegrip – Reformatoriese perspektiewe*
 Opening deur prof SJ Botha
 Prof IWC van Wyk (AIM): *'Die eerste gebod en die God van die eerste gebod' met verwysing na Philipp Melancthon en Zacharias Ursinus*
 Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*
 Ledevergadering 11:30-12:00
 Afsluiting 12:00
 Uitstalling van gedenkpenninge en historiese munte
 Navrae aan dr JMG Storm (083 308 1030 / nhmeyerspark@lantic.net)
 of dr Christo Pretorius (083 651 9634 / praetorc@telkomsa.net)

Beskikbare behuising

- **Ons Tuis (Riviera)**
Tehuis vir versorging van verswakte bejaardes het tans plek beskikbaar
 Volledige versorgingsfasiliteit wat insluit:
 - o 24-uur mediese versorging
 - o 3 maaltye per dag
 - o Sekuriteit
 - o Gereelde sosiale aktiwiteite
 Vir meer besonderhede, skakel matrone E Mans by 012 329 3623
 Aansoekvorms kan afgetrek word van www.otmt.org
 of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**
Behuising vir seniorburgers
 Daar is tans die volgende behuising beskikbaar:



MET VERSORGING

1 dubbelkamer (verkieklik 'n egpaar) – 24-uur-versorging

Koste per persoon R5 500 per maand

(sluit in 3 etes per dag, wasgoed en kamer skoonmaak), opnamefooi R3 000

SELFVERSORGING

- o A-gang: 1 enkelkamer, R3 050 per maand
(ingesluit 3 etes, wasgoed en kamer skoonmaak 1 x per week)
- o B-gang: 1 dubbelkamer (egpaar) – R3 050 per persoon
(ingesluit 3 etes, wasgoed en skoonmaak van kamer 1 x per week)
- o H-gang: 1 ruim kamer met eie badkamer, stoepie en tuintjie
(ingesluit middagete) – R3 000 per maand

Eenmalige opnamefooi van R3 000

Ondersteunende dienste beskikbaar

Kontak matrone Alet Botha by 056 811 2185 vir meer besonderhede

Konserte en feeste

- **Nog tot 8 September: Gemeente Delmas**
Jerusalem, Jerusalem!
Interkerklike opvoering, by NG gemeente Delmas-Wes
Vir meer inligting, kontak Martin Rossouw by 082 410 1936
- **Saterdag 8 September: Gemeente Glencoe: Klavierkonsert**
Rocco de Villiers
18:00 vir 18:30 by Laerskool Glencoe
Volwassenes R100, kinders onder 12 R50
Iets te ete en drinke sal aangebied word
Kontak ds Pieter Bester by 082 899 6564 / 034 212 1815
pieterbester@telkomsa.net

Kampe en toere

- **Toer op Bybelse voetspore...**
Egipte, Israel en Jordanië
4-18 Desember 2012
Kontak ds Hannes van der Merwe by 082 575 1979
of hannes@pretoriaoos.com vir meer inligting

Kompetisies en fondsinsamelings

- **Gemeente Brits: Boufondsversoek**
Dra by tot die gemeente se boufonds
SMS **KERK** na **48716** en dra R10 by
Fondse word gebruik om die geboue te herstel
Meer as een SMS is baie welkom
Navrae aan ds Kobus Celliers by 012 252 0158
- **Gemeente Hartebeeshoek: Saterdag 8 September**
Jaarlikse Lenteloop
By Fonteinedal, Pretoria, tema *In sy voetspore*
Stap/draf begin stiptelik om 07:00, inskrywings vanaf 06:00
R20 vir 5 km, R40 vir 10 km, laerskoolkinders halfprys
Oud en jonk, stootwaentjies en honde – almal welkom
Te koop: vetkoeke, boereworsrolle, pannekoek, koffie, tee, cappuccino
Kontak Inus Botes by 082 908 2889 of Andries Nieuwoudt by 073 313 1220
- **Gemeente Hartebeeshoek: Fotokompetisie**
Tyd om kameras op te neem en te begin soek na **VOETE** en/of **SKOENE**
Tema: *In sy voetspore*



Reëls en voorwaardes geld
Goeie pryse met professionele beoordeling
Kontak Theresa Oosthuizen by theresa@northernfoods.co.za

- **Gemeente Leeudoringstad: Kompetisie om Doringfees bekend te stel**
Pakkette beskikbaar, ook aan gemeentes
R1 000: 20 boekies ter waarde van R10 000
(gemeente kan dus R9 000 wins maak)
R2 500: 50 boekies ter waarde van R25 000 (wins R22 500)
R5 000: 100 boekies ter waarde van R50 000 (wins R45 000)
Kaartjies slegs R50 elk – en 11de kaartjie in die boekie is gratis
Trekking Saterdag 29 September om 12:45
Kontak Berno Robinson by 082 395 9241
- **Gemeente Horison Roodepoort: Naweek van 26-27 Oktober**
Liturgiese blommeskou by die kerk
Alle blommerangskickers word genooi om in te skryf
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**
Trekking: 27 Oktober 2012
Wen naweek ter waarde van R28 000
3 nagte verblyf vir 2 persone in 5-ster Kapama Lodge
(alle etes asook wildritte ingesluit)
Olifantritte, lugballonrit, spabehandeling in hartjie van Bosveld
Besoek aan Cheetah-projek in Hoedspruit
R2 000 sakgeld
Kaartjies R100 elk
Navrae aan ds Marius Kramer by 083 310 6042
of by gemeentelike kerkkantoor kampersrus@nhk.co.za

Basaars en markte

- **Vrydag 7 September: Gemeente Kaapstad: Jaarlikse Lentekosfees**
Op terrein van Tygerbergse kerkgebou, ME Rothmanstraat 29, Parow-Noord
Vanaf 17:00
Hollandse tafel met krokette en gebak, koektafel, kerrie-en-rys, poedings, pannekoek, vetkoeke, vars vrugte, koffie en tee, handwerk, kindertafel...
Navrae aan ds Kathleen Smith by kathleen@adept.co.za of 021 551 5264
- **Saterdag 8 September: Gemeente Bothaville: Kaboemieliefes**
Met DJ Ossewa en Adele Botes
Op die kerkterrein (Careystraat 39)
Heerlike kos: braaivleis, potjiekos, roosterkoeke, sosaties, ens
Kom geniet 'n heerlike plaasontbyt met lewer en pap
Verfbal en Kinderland vir wonderlike vermaak
Groot pryse om te wen: 10 speenkalwers as 1ste prys (kaartjies R100)
Uitstallers, vlooiemarkstalletjies, ou karre en ou trekkers
Navrae by kerkkantoor 056 515 2673 of henniepretorius@lantic.net
- **Vrydag 28 tot Sondag 30 September: Gemeente Zeerust Bosrumoer**
By Doornrivier 4x4, Zeerust
Kontak ds Barrie Oberholzer by 082 211 7926 of bosrumoer@gmail.com
<http://www.bosrumoer.co.za>
- **Saterdag 29 September om 09:00: Gemeente Leeudoringstad Doringfees**
Gaskunstenaar Sorina die Flooze



Navrae aan gemeentelike kerkkantoor by 018 581 2055
of nhkleutjies@nwet.co.za

- **Saterdag 29 September: Gemeente Coligny: Wielefees**
Beleef grootste ontbytrit nog in die Noordweste
Veteraanmotors, nuwe motors, omgeboude karre en motorfiets
Sommer langs hoofpad by Shell Ultra City uitgestal
Stalletjies met heerlikste gebak, pannekoek, burgers, geroosterde toebroodjies, worsbroodjies en roerbraai
Pret vir die jonk van hart, verfbal, skyfskiet, springkasteel
Kom probeer die meganiese bul ry!
Kontak Jan Haywood (motorinskrywings en uitstallings) by 084 514 7050
of Jan Jordaan by 083 468 6700 vir algemene navrae en rigtingaanwysings
- **Saterdag 27 Oktober: Gemeente Kempton Park-Oos Bosveld Kontreifees**
09:00 tot 17:00
Kom deel in heerlike dag tussen verskeie uitstallers en kosstalletjies
Hope pret vir kinders, potjiekoskompetisie, Mnr & Mej Kontreifees
Gaskunstenaar Thys die Bosveldklong om 14:00
Toegang R10 per persoon
Kontak ds Anneline Geyer by 082 924 7344

ANDER NUUS

- **LOSLITDAG VRYDAG 7 SEPTEMBER**
Ondersteun persone met gestremdhede
Ondersteun vanjaar die Transoranje Instituut vir Buitengewone Onderwys (TOIBO)
Koop plakker @ R10
Kontak Arina Jooste by 012 320 7644 of toibo@nhk.co.za
Borgliggaam vir: Hoërskool Martie du Plessis vir Serebraalgestremdes, Prinshofskool vir Gesiggestremdes, Sonituskool vir Gehoorgestremdes, Transoranje-skool vir Dowes en Transvalia-skool vir Epilepsie en Leergestremdheid
- **Die Ondersteuningsraad Pretoria: Vakature: Voldag sekretariële beampte**
Vereistes: Goeie menseverhoudinge; rekenaarvaardig (onder meer in Excel); sterk administratiewe vaardighede; kreatiewe denke; geldige rybewys
Faks CV na 012 325 1856 of e-pos na oraad@telkomsa.net
Sluitingsdatum: Vrydag 14 September
- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of oraad@telkomsa.net. Die bankbesonderhede is soos volg:
Die Ondersteuningsraad
ABSA tjekrekening nommer 000602795
Takkode 323 345
Beskrywing: Kampfonds
- **INTERNASIONALE KINDER- EN JEUGKONFERENSIE**
26-28 September
Fakulteit Teologie, NWU, Potchefstroom
Gerig op predikante, kategete, ouers en almal wat met kinders en die jeug werk

Loslit Dag
Vir persone met gestremdhede



Verskeie gesamentlike en parallelle sessies

Wetenskaplike én meer populêre lesings

Sprekers: prof Malan Nel; Craig Groome; Marius Storm; Petra Kollege;
ongeveer 30 ander

Konferensiegangers is vir eie huisvesting verantwoordelik

Kry inligting oor gastehuse by

http://www.potchefstroom.co.za/accommodation/acc_guest_houses.html

Navrae aan dr Rudy Denton by 018 294 3509 of rudy@nhk.co.za



- **BYBELGENOOTSKAP**

Dinsdag 9 Oktober: Gholfdag

Gelyktydige begin 11:00 te Serengeti-gholfklub

Betterball Stableford: R3 000 per 4-bal (sluit aandete in)

Kontak Jenene Bernhardt by 011 552 7208

of jenene@serengeti.co.za

- **BEELD-KINDERFONDS 2012**

Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **BEELD-KINDERFONDS KERKONSERT**

Woensdag 28 November

Moreletapark-gemeente

Juanita du Plessis, Manie Jackson, Joe Niemand, Nadine en ander

Bespreek by iTickets.co.za of per telefoon by 086 100 0291

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies

ABSA tjekrekening nommer 020-000-287

Takkode 632-005

Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

Lidmate van gemeentes waar 'n kerkraad moontlik met meerderheidstem besluit het om kerklike eiendom te vervreem en andersins in stryd met die Kerkorde optree, se lidmaatskap van die Hervormde Kerk kan daardeur in die gedrang kom. Lidmate wat deel wil bly van die Nederduitsch Hervormde Kerk van Afrika, word versoek om op een van die volgende maniere met die Kerk kontak te maak:

- SMS jou naam, gemeente, kontaknommer en e-posadres na 074 406 6303 (slegs SMS'e, nie oproepe nie). Die Sinodale Kerkkantoor sal jou binne 7 dae kontak.
- Telefonies: Skakel mev Marié van Niekerk by 012 322 8885 x254.
- Stuur 'n e-pos na nhk@nhk.co.za.
- Kontak jou gemeente se konsulent, of 'n ander predikant in die ring. Hul inligting is op die Kerk se webblad beskikbaar by www.nhka.org (onder So werk ons / Predikante).

Die Kerk sal hierdie inligting met groot sensitiwiteit hanteer.

AGTERBLAD

Tydskrifpryse 2013

Die pryse vir 2013 se kerklike publikasies is nou beskikbaar.

Ten spyte van stygende koste en die groot druk waaronder die Kerk tans verkeer, is besluit om die tydskrifpryse steeds so laag moontlik te hou. Dit is egter onvermydelik dat daar wel 'n styging moet wees.

Konteks

R150 vir 10 uitgawes

Die Hervormer

R110 vir 11 uitgawes

Almanak/Bybelse Dagboek

R120

Bestel u tydskrifte van mev Susann van Zyl, 012 322 8885 x291; faks 086 633 4054; sentik@nhk.co.za.

